

Glauben vnd Liebe in Christo Jesu:
 Summa er greiffet des Menschen Herz
 an/solchs zu verbessern/ er wil dz Herz sol
 seyn voll Geistes/ Glaubens/ Liebe/ An-
 dacht/ Gehorsamb/ Furcht Gottes/ De-
 muth/ Sanfftmuth/ Gedult/ Gottselige-
 keit: Er wil das Gottes Wort sol in vn-
 serm Herzen lebendig werden / vnd seine
 Frucht bringen / wie das Wort Gottes
 erfordert. Er meynet es trewlich vnd gut/
 er suchet nicht seine Ehre/Lob/Ruhm/vnd
 Nutz / sondern was vielen frommet/ vnd
 richtet alles dahin/das Christus recht er-
 kandt / vnd sein Leben angenommen vnd
 geübet werde: Sein Herz/Sinn vnd
 Meynung ist nicht/das er verführ/ son-
 dern das er viel bekehr / Fromm / vnd
 Gottfürchtig mache/wie denn auch Gott
 Lob geschehen ist / vnd täglich geschicht/
 obs Satan nicht gerne sibet.

Derhalben so ist Johann Arndten
 Christenthumb nicht ein falsches/sondern
 wahres Christenthumb / fleust nicht aus
 dem Satan/sondern aus dem Geist Chri-
 sti/vnd ist nicht zu der Menschen verfüh-
 rung vnd verderben / sondern erbawung
 vnd